

Berthold Otto's

Tirocinium Livianum

Zweites Heft

Livius' römische Geschichte

(IV—IX)

Lateinische Vorbereitung und Text
(Auch als 25. Lateinbrief erschienen)

Preis 50 Pfg.

Berlin - Lichterfelde
Verlag des Hauslehrers
1913.

Anmerkung.

In den Vorbereitungen ist die Kenntnis der Formenlehre, des aoc. c. inf. und des abl. abs. und ein geringer Vokabellschatz als bekannt vorausgesetzt. Für die wenigen Fälle, wo die reichlich unter den Text gesetzten Vokabeln nicht genügen, wird das Taschenwörterbuch von Prof. Dr. H. Menge, Lateinisch-Deutsch, Vangenscheidtsche Verlagshandlung, Berlin-Schöneberg (Preis gebd. 2 Mk.), empfohlen, das übrigens zur Vektüre aller Schulschriftsteller ausreicht. Beim Aufschlagen ist zu beachten, daß jedes Substantiv im Nominativ Singular, jedes Verb im Einsprecher der Jetztzeit (der ersten Person Singular des Präsens Indikativ) aufgeführt ist, also lapis-es unter lapis, laniare unter lanio (zerfleischen).

Man übersehe die Vorbereitung mehrfach durch, bis man nicht mehr nach den Vokabeln unter dem Text zu sehen braucht. Am besten ist es, wenn man den Sinn ganz lateinisch erfährt, ohne Vermittelung der deutschen Sprache. Erst wenn man die Vorbereitung gründlich durchgearbeitet hat, wage man sich an den Text. Die Übersetzung des Livius-Textes gelingt fast überall leicht; wo das nicht der Fall sein sollte, da muß man noch einmal auf die Vorbereitung zurückgehen.

Vorbereitung zu Livius' römischer Geschichte.

Sed fata imperabant, ut urbs Roma oreretur. Origo tantae urbis debebatur¹ fati. Imperium Romanum erat maximum secundum² opes deorum. Principium³ huius imperii debebatur fati, ut opinatur⁴ Livius. Mars deus Vestalem vi compressit⁵. Sic virgo Vestalis uxor⁶ Martis facta est. Rea Silvia geminos⁷ peperit⁸, 5 vel, ut ait Livius, Rea Silvia geminum partum edidit⁹. Interrogabant¹⁰ Latini, quis pater puerorum esset. Tum Rea Silvia Martem nuncupat¹¹. Livius hoc non credere videtur. „Seu Rea ita rata est¹², inquit Livius (Martem patrem esse), seu deus honestior¹³ auctor culpa¹⁴ esse videbatur¹⁵. Propterea cum geminum partem 10 edidisset, Martem incertae¹⁶ stirpis patrem nuncupavit.“ Sed Amulius rex crudelis¹⁷ erat. Nec dii nec homines Ream a crudelitate regia vindicant¹⁸; nec dii nec homines aut ipsam aut stirpem a crudelitate regia vindicant. Sacerdos¹⁹ vincitur²⁰; sacerdos vincita in custodiam²¹ datur. Praeterea rex iubet²² pueros in aquam pro- 15 fluentem mitti²³.

Sed Tiberis flumen super ripas²⁴ effusus²⁵ erat. Viri, qui pueros in aquam mittere volebant, ad cursum iusti²⁶ amnis adire non poterant. Sic pueri servati sunt. Nescimus utrum²⁷ dei pueros servaverint an fors²⁸ quaedam pueros servaverit; nescimus utrum 20 Tiberis divinitus²⁹ an forte quadam super ripas effusus sit. Livius utrumque dicit: Tiberis forte quadam divinitus super ripas effusus erat. Aqua, quae non celeriter fluit, vocatur stagnum³⁰; haec aqua languida³¹ et lenis³² est. Tiberis lenibus stagnis effusus erat. Viri, qui pueros mergere³³ volebant, ad cursum iusti amnis adire non 25 audebant, sed sperabant pueros hac aqua — quamvis³⁴ languida — mergi posse. Sed hoc loco Livius non dicit „pueros“, dicit „infantes“,

1 wurde geschuldet. 2 nach. 3 Anfang. 4 meinen. 5 comprimo zusammen-
drücken, umarmen. 6 Gattin. 7 Zwillinge. 8 pario, poperi, partum geboren.
9 edo herausgeben. 10 fragen. 11 nennen. 12 reor meinen. 13 ehrenvoller.
14 Schulb. 15 scheinen. 16 ungewiß. 17 grausam. 18 befreien. 19 Priester (-in).
20 vincio, vinxi, vinctum fesseln. 21 Bewachung, Gefängnis. 22 befehlen.
23 schicken. 24 Ufer. 25 effundo ausgießen. 26 richtig. 27 zu überlegen durch
„ob“. 28 Zufall. 29 von den Göttern her. 30 Stauwasser. 31 schlaff. 32 sanft.
33 untertauchen, ertränken. 34 wenn auch; eig. „wie du willst“.

quia pueri nondum¹ fari² poterant. Ergo viri infantes ad aquam ferebant; ferentibus aqua quamvis languida spem dabat infantes mergi posse. Itaque hi viri tali modo fecerunt, quod rex imperaverat, vel, ut ait Livius „imperio regis defuncti sunt³“: Pueros
5 exponunt in proxima eluvie⁴, ubi temporibus Livii ficus⁵ Ruminalis erat. (Rumam vel rumen vel mammam Romani vocant pectus⁶ mulieris, in quo lac⁷ inest.) Sed ferunt⁸ hanc ficum antea Romularem nominatam esse. Livii temporibus haec ficus in media urbe erat, ubi semper multi homines erant. Sed temporibus Amulii et
10 Numitoris his locis vastae⁹ solitudines¹⁰ erant. Locus, ubi flumen fluit, vocatur alveus¹¹ fluminis. Si aqua interdum fluit, interdum non fluit, dicimus „aqua fluitat¹²“. Si flumen in alveo fluitat, Latini dicunt „alveus fluitat“. Si flumen effusum est, alveus maior est. Sed aqua multis locis tenuis¹³ est. Tum aqua tenuis celeriter
15 alveum fluitantem destituit¹⁴. Tum alveus siccus¹⁵ est. Aqua tenuis alveum fluitantem in sicco destituit. Circum ficum Ruminalem montes sunt. Ex his montibus lupa¹⁶ venit, quia sitiebat¹⁷. Infantes, qui nondum fari possunt, vagiunt. Etiam hi duo pueri vagitum ediderunt. Hunc vagitum puerilem lupa sitiens audivit.
20 Lupa ad puerilem vagitum cursum flexit¹⁸. Sic fama tenet¹⁹. Lupa infantibus mammas submitit²⁰; mammas submittas infantibus praebuit²¹, ut bibere possent. Et lupa lingua lambebat²² pueros; adeo mitis²³ erat lupa. Sic magister pecoris²⁴ regii eam invenit²⁵. Huic magistro nomen erat Faustulo. Ergo fama tenet lupam sitientem ad puerilem vagitum cursum flexisse, eam infantibus submittas mammas adeo mitem praebuisse, ut magister regii pecoris eam lingua lambentem pueros invenerit. „Hos pueros“, inquit, „uxor²⁶ mea educabit²⁷“. Faustulus cum uxore ad stabula²⁸ habitabat²⁹. Uxori nomen Larentiae erat. Sic pueri a Faustulo ad
30 stabula Larentiae uxori educandi dati sunt. Sed semper fuerunt, qui miracula non crederent. Multi non credebant re vera lupam infantibus mammas praebuisse; hi dicebant: „Ipsa Larentia inter pastores vocabatur lupa, inde locus datus est fabulae et miraculo“. Nam lupa a Romanis femina vocatur, quae multos viros amat. Sic
35 Livius narrat: „Sunt, qui putent, Larentiam inter pastores lupam vocatam esse“.

Ita geniti sunt pueri itaque educati sunt. Sed tum pueri adoleverunt³⁰ vel, ut ait Livius, aetas eorum adolevit. Pueri nec in stabulis nec ad pecora segnes³¹ erant. Praeterea venabantur³² feras; 40 venando peragrabant³³ saltus³⁴. Sed Livius hoc loco infinitivo historico utitur; non dicit „peragrabant“, dicit „peragrarē“. Hinc³⁵

1 noch nicht. 2 reden. 3 defungor aliqua re ich entlebigte mich einer Sache. 4 „Auswaschung“, Überflutung. 5 Feigenbaum. 6 Brust. 7 Milch. 8 sie berichten, „man sagt“. 9 ungeheuer. 10 Einsamkeit, Einöde. 11 Wanne, Whulbe, wir sagen „Bett“. 12 hin und wieder strömen. 13 dünn. 14 verlassen. 15 trocken. 16 Wölfin. 17 durften. 18 flecto biegen, lenken. 19 festhalten. 20 herunter-schicken, also hinhalten. 21 darreichen. 22 lecken. 23 milde. 24 pecus Vieh. 25 finden. 26 Gattin. 27 erziehen. 28 Stall. 29 wohnen. 30 adolesco heran-wachsen. 31 lässig. 32 jagen (wilde Tiere). 33 durchstreifen. 34 Gebirgstäler. 35 von hier.

robur¹ sumebant pueri; non solum corporibus hinc robur sumebant, sed etiam animis. Mox pueri bestias feras subsistebant², mox pueri etiam latrones³ subsistebant. Latrones praeda onusti⁴ erant. Pueri in latrones praeda onustos impetus⁵ faciebant et ea, quae latrones rapuerant et quae pueri latronibus rapuerant, pastoribus dividebant. 5 Sic in dies⁶ grex crescebat. Pueri autem cum pastoribus crescente in dies grege⁷ iocos⁸ et seria⁹ iuvenum celebrabant¹⁰. Sed Livius hoc loco semper utitur infinitivo historico, dicit „pueri feras subsistere, in latrones impetus facere, pastoribus rapta dividere et cum his seria ac iocos celebrare.“ 10

Deus gregum et pastorum Pan erat. Lycaeus est mons in Arcadia. Ibi Pan incolebat; propterea etiam Pan vocatur Lycaeus. Sed a Romanis Pan, quia lupos arcet¹¹, vocatur Lup-ercus. Romani et Graeci deis ludos vel ludicra celebrabant. Ludicrum, quod Luperco celebrabatur, vocabatur ludicrum Luperçäl. Hoc Luperçal etiam 15 Livii temporibus erat. Nam Livius narrat: „Iam tum (temporibus Romuli et Remi) hoc Luperçal (quod nos celebramus) in Palatio monte fuisse ferunt.“ Pallantëum erat oppidum in Arcadia. A Pallanteo, urbe Arcadica, mons Romanus Pallantium, dein¹² Palatium appellabatur. Ibi Euander sollemne¹³ instituit, quod ex Arcadia 20 afferebat. Euander e genere Arcädum erat (Arcädës in Arcadia habitabant). Euander multis tempestatibus¹⁴ ante haec loca tenuit. Euandrum ferunt sollemne allatum ex Arcadia instituisse, ut nudi¹⁵ iuvenes currerent. Hoc faciebant iuvenes, Lycaeum Pana¹⁶ venerantes¹⁷ per lusum et lasciviam¹⁸. Pan non solum Lupercus, sed 25 etiam Inuus vocatur. Huic ludicro iuvenes se dedunt¹⁹. Sed hoc sollemne notum erat. Etiam latrones noverant hoc sollemne. Latrones irascebantur²⁰, quia praedam amiserant²¹. Ob²² iram praedae amissae latrones pastoribus insidiati sunt²³. Latrones insidiati sunt iuvenibus ludicro deditis. Romulus, alter fratrum, vi se defendit; 30 alterum fratrem, Remum, latrones ceperunt et regi Amulio tradiderunt et ultro²⁴ accusaverunt.

Latrones, qui Remum ceperant et regi Amulio tradiderant, hoc dixerunt: „Hic iuvenis saepe impetus²⁵ fecit in agros Numitoris; hic iuvenis multos alios iuvenes collëgit²⁶; manum²⁷ magnam iuve- 35 num hic iuvenis collegit; collecta iuvenum manu²⁸ hic praedas²⁹ egit, sicut hostes faciunt; hostilem in modum praedas egit ex agris Numitoris et aliorum hominum. Propterea eum accusamus; hoc ei crimini³⁰ damus.“ Ergo latrones maxime crimini dabant impetus ab iis (a Romulo et Remo) fieri³¹ in agros Numitoris; inde³² eos 40 praedas agere. Tum Amulius dixit: „Dedo³³ hunc invenem Numitori ad supplicium³⁴.“

1 Stärke. 2 bestehn. 3 Räuber. 4 belastet. 5 Ansturm. 6 von Tag zu Tag. 7 abl. abs. 8 Scherz. 9 Ernstes. 10 feiern. 11 abwehren. 12 darauf. 13 Feit. 14 Zeit. 15 nackt. 16 griechischer Affusativ. 17 verehren. 18 Mutwillen. 19 widmen. 20 jürnen. 21 verlieren. 22 wegen. 23 aufslauern. 24 noch dazu. 25 Ansturm, Angriff. 26 colligo zusammenlesen. 27 Hand, Mannschaft. 28 abl. abs. 29 Beute. 30 „zur Beschuldigung“. 31 Passiv zu facere. 32 non da. 33 übergeben. 34 Todesstrafe.

Numitor autem non statim necat¹ Remum, sed eum in custodia habet. Audit Numitor, Remum non solum esse, geminos esse fratres. Numitor meminit nepotum, filiorum filiae. Numitor comparat aetatem² eius, quem in custodia habebat, cum aetate nepotum.

5 Nam Remus pastoribus et servis minime similis³ erat; indoles⁴ Remi minime servilis erat. Qui aliquid scire vult, quod nescit, is sciscitatur⁵. Etiam Numitor sciscitatur, ubi et quando Remus natus sit; nam memoria⁶ nepotum Numitori animum tetigerat⁷ comparando⁸ aetatem et indolem Remi. Sic Numitor paene⁹ iam Remum agnos-

10 cit¹⁰; Numitor non procul¹¹ erat, quin¹² Remum agnosceret. Eo¹³ Numitor sciscitando⁸ pervenit, ut haud¹⁴ procul esset, quin Remum agnosceret. Sed etiam Faustulus pastor, qui Romulum et Remum pueros invenerat, iam tum haud procul fuerat, quin pueros agnosceret. Nam sciebat infantes iussu¹⁵ regis expositos esse; sciebat, quo tem-

15 pore infantes expositi essent. Hoc tempus congruebat¹⁶ ad id ipsum tempus, quo Faustulus pueros sustulerat. Propterea Faustulus iam ab initio speraverat, pueros Numitoris nepotes esse, pueros regiam stirpem¹⁷ esse; Faustulo spes fuerat, regiam prolem apud se educari. Sed Faustulus noluerat rem aperire¹⁸ nisi¹⁹ aut per occasionem²⁰ aut per necessitatem²¹. Sed necessitas prior venit, quia Remus captus erat; ita metus Faustulum subegit²², ut Romulo rem aperiret. Dum Faustulus metu subactus hoc facit, forte et²³ Numitor Remum paene agnovit. Ita Amulio regi undique²⁴ dolus²⁵ nec-

20 titur²⁶. Romulus pastores iussit ad regiam²⁷ venire. Sed Amulio regi multi milites erant, Romulo non multi pastores erant; Romulus non par²⁸ erat ad vim apertam²⁹. Propterea Romulus non cum globo³⁰ iuvenum ad portam venit, sed Romulus pastores iussit alios alio itinere ad regiam venire. Romulus pastores iussit certo tempore ad regiam venire. Romulus aliis pastoribus alio itinere certo

30 tempore ad regiam venire iussis³¹ impetum³² facit ad regem. Hoc facit Romulus. Remus adiuvat a domo Numitoris; nam ibi Remus et Numitor aliam manum³³ comparaverant. Ita obtruncant³⁴ Amulium. Truncus³⁵ is vocatur, cui caput deest aut manus aut brachium aut pes aut alia pars corporis.

35 Sic magnus tumultus oritur. Cives terrentur tumultu. Inter primum tumultum Numitor dicit: Hostes invadunt³⁶ urbem; hostes invaserunt portas; venite in arcem, iuvenes; arcem obtinebimus³⁷ armis et praesidio³⁸. Hoc Numitor non semel dixit, sed saepe dicebat vel dictitabat (dictitare est verbum frequentativum a verbo „dicere“).

40 Sic Numitor pubem³⁹ Albanam a regia avocavit in arcem

1 töten. 2 Alter. 3 ähnlich. 4 natürliche Beschaffenheit. 5 sich erkundigen. 6 die Erinnerung an. 7 tango, tetigi, tactum berühren. 8 Gerundium, „durch Vergleich“. 9 fast. 10 erkennen. 11 fern (davon). 12 daß nicht. 13 dahin. 14 nicht. 15 auf Befehl. 16 übereinstimmend (vgl. congruent). 17 Stamm. 18 öffnen, bekannt machen. 19 wenn nicht. 20 Gelegenheit. 21 Notwendigkeit. 22 „runter treiben“, nötigen. 23 auch. 24 von allen Seiten her. 25 Arglist. 26 knipfen. 27 (domum). 28 gleich (stark). 29 offen. 30 Haufen. 31 abl. abs. 32 Ansturm. 33 Mannschaft. 34 niedermeßeln. 35 verstümmelt. 36 hineingehn in. 37 behaupten. 38 Schutz, Besatzung. 39 junge Mannschaft.

praesidio armisque obtinendam. Interea iuvenes, qui Romulum et Remum sequebantur, caedem¹ perpetraverunt². Caede perpetrata iuvenes ad Numitorem pergunt³ et ei gratulantur. Numitor, postquam iuvenes pergere ad se gratulantes vidit, extemplo⁴ concilium⁵ advocat. Advocato concilio Numitor ostendit⁶ scelera Amulii in⁵ Numitorem, ostendit originem nepotum, ostendit, ut⁷ geniti⁸ essent, ut educati essent, ut cogniti essent, ostendit deinceps⁹ caedem tyranni, ostendit, se (Numitorem) auctorem caedis esse. Repeto paucis¹⁰, quid Livius dicat. Numitor dictitans hostes urbem invasisse, cum pubem in arcem avocasset, postquam iuvenes ad se¹⁰ (Numitorem) pergere vidit, extemplo advocato concilio scelera fratris et cetera¹¹ ostendit. Iuvenes, qui Amulium obtruncaverant, agmine¹² ad Numitorem pergunt, agmine per mediam contionem⁵ ingressi¹³ sunt. Iuvenes (Romulus et Remus) avum regem salutant. Vox multitudinis consentit¹⁴. Ex omni multitudine vox consentiens¹⁵ secuta est. Haec vox imperium ratum¹⁶ efficit. Tum Numitor rex vocatur. Ergo vox consentiens regi etiam nomen ratum efficit.

Ita Numitori res Albana permittitur¹⁶. Sed Romulus et Remus urbem condere volunt in iis locis, ubi expositi ubique educati erant. Romulum et Remum cupido¹⁷ cepit urbis condendae. Multitudo²⁰ Albanorum et Latinorum supererat¹⁸; ad id pastores quoque accesserunt¹⁹. Propterea Romulus et Remus sperabant Albam parvam fore²⁰ prae²¹ ea urbe, quam condere volebant. Multitudo Albanorum et Latinorum et pastorum hanc spem fecit. Haec cogitabant ambo iuvenes. Sed his cogitationibus intervenit cupido regni. Iam²⁵ frater avi cupidine regni commotus erat; propterea cupido regni, quae Romulum et Remum tenebat, a Livio malum avitum appellatur. Inde certamen²² foedum²³ ortum est. Sed principium²⁴ huius foedi certaminis satis mite²⁵ erat. Si alter fratrum maior natu est, is, qui minor natu est, fratrem maiorem veretur²⁶; haec verecundia³⁰ vocatur verecundia aetatis. Haec verecundia aetatis facit discrimen²⁷ inter fratres. Sed inter geminos verecundia aetatis discrimen facere non potest. Itaque nesciebant iuvenes, qui novae urbi nomen daret, qui urbem conditam imperio regeret. Itaque dixerunt: Dii, qui haec loca tuentur²⁸, dii, quorum tutelae haec loca sunt, auguriis²⁹³⁵ legunto, qui urbi nomen det. Qui auguriis uti vult, templo eget³⁰. Itaque Romulus et Remus templa inaugurant³¹. Romulus Palatium capit, Remus Aventinum capit ad inaugurandum³² templa. Palatium et Aventinus montes vel colles³³ sunt. Repeto: Quoniam³⁴ gemini essent, ut dii auguriis legerent, qui urbi nomen daret, Palatium⁴⁰ Romulus, Remus Aventinum ad inaugurandum templa capiant.

1 das Niederhauen. 2 ausführen. 3 weitergehn. 4 sogleich. 5 Volksversammlung. 6 zeigen. 7 wie. 8 gigno erzeugen. 9 darauf. 10 mit wenigen (Worten). 11 das übrige. 12 Zug, Kolonne. 13 ingredior hineingehn. 14 mitempfinden, zustimmen. 15 rechtsgültig; „ratifizieren“ kommt davon. 16 überlassen. 17 Begierde. 18 übrig sein. 19 accedo hinzukommen. 20 = futuram esse. 21 vor, im Vergleich mit. 22 Wettstreit. 23 häßlich. 24 Anfang. 25 mild, harmlos. 26 ehren, scheuen. 27 Unterschied. 28 schützen. 29 Vogelzeichen. 30 bedürfen. 31 einweihen. 32 Gerundium; Livius sagt „zum die-Tempel-einweihen“. 33 Hügel. 34 da ja.

Duo fratres augurium expectabant. Uter¹ prior² augurium accepit? Utri priori augurium venit? Remo an Romulo? Remo priori augurium venisse fertur³. Sex vultures⁴ venerunt. Remus hoc augurium nuntiavit; tum Remum sua multitudo regem salutavit. Sed iam nuntiato augurio⁵ duodecim vultures ad collem Romuli venerunt. Cum duplex⁶ numerus vulturum Romulo se ostendisset⁷, etiam Romulum sua multitudo regem salutavit. Sic utrumque⁸ sua multitudo regem salutaverat. Amici Remi dicebant: Nostri vultures tempus praeceperunt⁹; praecepto tempore regnum trahimus¹⁰. Amici Romuli dicebant: Nostrae aves numero plures sunt; numero avium regnum trahimus. Itaque illi praecepto tempore, hi numero avium regnum trahebant. Sic alteri¹¹ cum alteris loquuntur. Haec altercatio¹² vocatur. Sic cum altercatione congressi sunt. Utrique certabant¹³ ira. Certamine irarum homines ad caedem vertuntur; in turba¹⁴ Remus icitur¹⁵. Remus in turba ictus cecidit. Sic Livius ipse narrat. Sed etiam alia fama in vulgus¹⁶ venit vel vulgatur¹⁷. Haec alia fama vulgatio est quam ea fama, quam Livius sequitur. Remus dicitur trans-siluisse¹⁸ muros novos. Hoc Remus fecit, ut fratrem luderet¹⁹; hoc Remus fecisse fertur ludibrio²⁰ fratris. Ergo vulgatio fama est Remum muros transsiluisse. Inde Romulus iratus erat; fama est Remum ab irato Romulo interfectum esse²¹. Praeterea Romulus verbis increpitavit²²: „Sic deinde²³ morietur, quicumque²⁴ alius transiliet moenia²⁵ mea.“

Haec Remus verbis increpitans adiecit²⁶ fertur. Ita Romulus solus potitus est²⁷ imperio. Urbs condita nomine conditoris (Romuli) appellata est (Roma).

Romulus primum Palatium muni(v)it, in quo ipse educatus erat. Romulus diis sacra facit. Haec sacra Romulus Albano ritu²⁸ facit. Sed Romulus etiam Herculi sacra facit; haec sacra Romulus Graeco ritu facit. Nam haec sacra ab Euandro instituta erant²⁹ Graeco ritu. Narrat Livius, quemadmodum Euander sacra Herculis instituerit.

Hercules Geryōnem regem interemerat³⁰ et boves eius secum in ea loca agebat. Hi boves mira³¹ specie³² erant. Tum Hercules Tiberim traiecerat³³. Ipse Hercules navit³⁴, nando Hercules armentum³⁵ prae se egit. Qua³⁶ Tiberim traiecerat, Hercules procubuit³⁷. Nam locus herbidus³⁸ erat; hoc pabulum³⁹ laetum⁴⁰ erat bobus. Hercules quiete⁴¹ et pabulo laeto reficere volebat boves. Sed etiam ipse via fessus⁴² erat. Repeto: Memorant Herculem Geryone inter-

1 welcher (von beiden). 2 als der frühere. 3 wird berichtet, „soll“. 4 Geier. 5 abl. abs. 6 zweifältig, doppelt. 7 zeigen. 8 jeden (von beiden). 9 vorwegnehmen. 10 an sich nehmen. 11 die einen (von beiden Parteien). 12 Wortwechsel. 13 wetzeln. 14 Getümmel. 15 schlagen, treffen. 16 Volk, unregelmäßiger Neutris (nom. und acc. sing. neutr.) auf s. 17 ins Volk bringen. 18 von salio, überspringen (auch mit einem s geschrieben). 19 verspotten. 20 zur Verspottung. 21 niedermachen. 22 schelten. 23 in Zukunft. 24 wer auch immer. 25 Mauern. 26 adicio von iacio, hinzufügen. 27 sich bemächtigen (mit abl.). 28 Ritus, Weise. 29 einrichten. 30 niedermachen. 31 wunderbar. 32 Ansehn, Schönheit. 33 überreiten. 34 schwimmen. 35 Großvieh. 36 wo. 37 procumbo sich niederlegen. 38 grasreich. 39 Futter. 40 froh, angenehm. 41 Ruhe. 42 ermüdet.

empto boves in ea loca abegisse ac prope Tiberim flumen procubuisse, qua prae se armentum agens nando traiecerat. Sed Hercules multum cibum¹ ederat et vinum biberat; cibus et vinum eum gravabant²; Herculem vino et cibo gravatum sopor³ oppressit⁴. Cacus pastor accola eius loci erat. Hic Cacus ferox viribus erat. Cacus⁵ vidit boves pulchros. Cacus captus est pulchritudine boum. Cacus eam praedam avertere⁶ volebat. Sic dicebat: „Possum armentum in speluncam⁶ meam agere; possum agendo armentum in speluncam compellere⁷. Sed tum dominus boum quaeret boves. Dominus videbit vestigia⁸. Vestigia boum dominum in speluncam deducunt⁹.¹⁰ Propterea aliter faciam. Non agam boves, sed traham. Non cornibus¹⁰ traham boves, sed avertam; aversos boves cauda¹¹ traham. Unumquemque bovem cauda in speluncam traham. Si non omnes boves trahere potero, eximium¹² quemque¹³ caudis in speluncam traham.“ Ergo Cacus, cum eam praedam avertere vellet, quia¹⁴, si¹⁵ agendo armentum in speluncam compulisset, ipsa vestigia quaerentem dominum eo deductura erant, aversos boves caudis in speluncam traxit.

Hercules ad primam auroram somno excitus¹⁶ gregem perlustavit¹⁶ oculis. Hercules numero sensit partem abesse. Tum Hercules pergit ad proximam speluncam, si¹⁷ forte vestigia eo ferrent.²⁰ Sed ante speluncam omnia vestigia foras¹⁸ versa erant nec in aliam partem ferebant. Nam omnia vestigia in ea loca ferebant, ubi Hercules dormiverat. Tum Hercules confusus et incertus animi est. „Hic locus infestus¹⁹ est“, inquit, „ex hoc loco infesto porro²⁰ agam armentum“. Iam coeepit²¹ armentum inde porro agere. Sed boves²⁵ ipsae desiderabant²² boves relictas. Itaque boves quaedam mugiverunt²³ ad desiderium relictarum. Tum ex spelunca reddita²⁴ est vox boum inclusarum²⁵. Haec vox Herculem convertit²⁶. Hercules ad speluncam vadit. Cacus Herculem ad speluncam videntem vi prohibere²⁷ conatur²⁸. Tum Cacus clava²⁹ Herculis icitur. Cacus³⁰ clava ictus fidem pastorum invocat³⁰. Nam amici fidi amicum adiuvant. Sed Cacus nequiquam³¹ fidem pastorum invocat. Sic Cacus morte occubuit³².

Tum Euander ea loca regebat. Euander Graecus erat; ex Peloponneso profugus erat. Non imperio regebat ea loca, sed auctoritate.³⁵ Nam pastores admirabantur miracula, quae Euander attulerat³³. Nam Euander litteras attulerat. Haec res nova erat inter pastores; nam hi pastores rudes³⁴ artium erant. Propterea pastores Euandrum venerabantur³⁵; miraculo litterarum Euander pastoribus venerabilis³⁶ erat. Sed alia re Euander venerabilior erat. Nam⁴⁰ eum Euandro mater venerat, nomine Carmenta. Haec Carmenta

1 Speiße. 2 schwer machen. 3 Schlaf. 4 opprimo bewältigen. 5 abwenden, bei Seite bringen. 6 Höhle. 7 zusammenbringen. 8 Spuren. 9 hinabführen. 10 cornu Horn. 11 Schwanz. 12 ausgezeichnet. 13 quisque jeder. 14 weil. 15 vom Schlaf erwacht. 16 durchmustern. 17 ob. 18 nach außen. 19 feindselig, unheimlich. 20 weiter. 21 anfangen. 22 vermissen, ersehnen. 23 „muh“ machen. 24 wiedergeben. 25 einschließen. 26 umwenden. 27 fernhalten. 28 versuchen. 29 Keule. 30 anrufen. 31 vergebens. 32 erliegen. 33 affero herbeibringen. 34 ununterrichtet. 35 verehren. 36 verehrungswürdig.

fata dicere (vel loqui) poterat. Qui fata dicere (vel loqui) potest, vocatur fatilōquus. Sic Carmenta fatiloqua erat. Qui fatiloquus est, is ab hominibus divinus¹ creditur. Sic etiam Carmentae divinitas ab hominibus creditur, et Euander venerabilior erat divinitate credita
5 Carmentae matris. Post Carmentam Sibylla fatiloqua in Italiam venit. Sibyllam postea eae gentes miratae sunt². Sed ante Sibyllae in Italiam adventum eae Carmentam fatiloquam miratae fuerant.

Ad hunc Euandrum pastores veniunt cum Hercule advena. Hercules reus³ erat caedis manifestae. Trepidabant⁴ pastores circa
10 Herculem advenam. Concursus pastorum excitat⁵ Euandrum. Euander excitus⁶ concursu pastorum trepidantium circa advenam reum manifestae caedis audit facinus⁷ Herculis et causam facinoris. Euander intuetur⁸ habitum⁹ et formam viri. „Haec forma“, inquit, „aliquantum¹⁰ amplior et angustior¹¹ est humanā formā¹²“. Euander
15 concursu excitus postquam facinus audit, formam viri intuens rogitat¹³, qui vir esset.

Sic Euander accepit advenam Herculem nominari; accepit Graeciam patriam Herculis esse; accepit Herculem Jove natum esse. Tum Euander Herculi: „Salve“, inquit¹⁴, „Jove nate. Iam diu sciebam te venturum esse. Mater mea vera dicere potest; mater mea
20 veridica est. Mater hominibus dicit, quid dii velint; mater hominibus interpretatur¹⁵, quid dii velint; mater interpret¹⁶ veridica deum (= deorum) est. Tu, Hercules, in caelum venies, fies deus caelestis¹⁷; augebis numerum caelestium. Nam mater mihi cecinit¹⁸ te
25 numerum caelestium aucturum esse. Hic, hoc loco, tibi ara dicabitur¹⁹. Mater mihi cecinit tibi hic aram dicatum iri. Hanc aram gens quaedam maximam vocabit. Haec gens olim opulentissima (opulentus est, cui multae opes sunt) in terris erit. Tibi tuus ritus²⁰ erit; gens opulentissima hanc aram tuo ritu colet“. Haec gens opulentissima erat gens Romana. Haec Euander Herculi dixit. Hercules
30 Euandro dextram²¹ dedit. Dextra data Hercules dixit: „Omen²² accipio; implebo²³ fata; conditote et dicatote aram“. Ergo Hercules ait²⁴ ara condita et dicata se impleturum esse fata.

Ibi tum primum Herculi sacrum²⁵ factum est. Ad hoc sacrum
35 bos eximia de grege capta est. Ad ministerium²⁶ et ad dapem²⁷ adhibebat²⁸ Euander duas familias inclitas²⁹, Potitios et Pinarios. Omnium familiarum, quae tum ea loca incolebant, hae duae familiae maxime inclitae erant. Ergo bove eximia capta de grege adhibitis ad ministerium et dapem Potitiis et Pinariis, quae tum familiae
40 maxime inclitae ea loco incolebant, sacrum Herculi factum est.

1 göttlich. 2 miror bewundern. 3 Angeklagter. 4 unruhig herumlaufen. 5 aufregen. 6 erregt. 7 Tat. 8 anschauen (intuitiv). 9 „das Haben“, die Haltung. 10 etwas umfassender. 11 erhabener. 12 abl. comparationis „als die menschliche Gestalt“. 13 fragen. 14 inquit sagte (wird immer eingeschoben in die Rede). 15 auslegen, erklären. 16 Interpret, Dolmetscher. 17 himmlisch. 18 cano singen, prophezeien. 19 weihen. 20 Religionsgebrauch. 21 die Rechte. 22 Vorher-sagung. 23 erfüllen. 24 sagt. 25 heilige Handlung, Opfer. 26 Dienst. 27 Mahl. 28 hinzuziehen. 29 angesehen.

Omnia, quae in corpore sunt, vocantur exta¹ vel viscera¹. Etiam cor² et iecur³ et pulmo⁴ exta sunt. In hoc sacro, quod Herculi factum est, Potitii ad tempus praesto⁵ erant. Itaque Potitii exta apposita sunt et Potitii coeperunt exta edere. Sic Potitii exta ad-ederunt; exta a Potitiis adesa sunt. Extis adesis Pinarii ad ceteram dapem venerunt. Hoc institutum mansit, donec Pinarium 5 genus fuit; Pinarii non edebant exta sollemnium⁶ vel, ut ait Livius, institutum mansit, ne Pinarii extis sollemnium vescerentur⁷. Potitii autem ab Enandro edocti sunt, quemadmodum Herculem colerent; tum Potitii sacris Hercules antistabant⁸. Per multas aetates Potitii 10 antistites eius sacri fuerunt. Postea autem genus omne Potitiorum interiit; sollemne ministerium familiae servis publicis traditum est. Haec sacra Herculis erant. Haec sacra tum Romulus una⁹ ex omnibus peregrina¹⁰ suscepit. Hercules mortalis fuerat; Hercules immortalitatem virtute pepererat¹¹. Ergo Herculis immortalitas virtute 15 parta erat. Immortalitati partae ii homines favent¹², qui ipsi immortalitatem parere volunt. Etiam Romulus immortalitati partae favebat; etiam Romulus immortalitatis partae fautor¹³ erat. Nam etiam Romulum sua fata ad immortalitatem ducebant.

Sic res divinae rite¹⁴ perpetratae sunt¹⁵. Tum Romulus multitudinem ad concilium vocavit. Nam haec multitudo coalescere¹⁶ debebat in corpus unius populi. Quomodo multitudo quaedam in populi unius corpus coalescere potest? Nulla re praeterquam¹⁷ legibus. Propterea Romulus multitudini iura dedit rebus divinis rite perpetratis vocataque ad concilium multitudine. Sed homines, quibus 25 Romulus iura dedit, agrestes (ex agris) erant. Homines agrestes dicuntur feroces esse. Iura non facile sancta sunt generi agresti hominum. Romulus dixit: Si me ipsum venerabuntur¹⁸ homines, etiam iura mea hominibus sancta erunt. Venerabuntur me, si ego iis venerabilis esse videbor. Saepe non imperium nos venerabiles 30 facit, sed insignia¹⁹ imperii. Itaque ipse me venerabilem faciam insignibus imperii. Sumam habitum²⁰ augustiorem²¹, sumam duodecim lictores²². Lictores ii homines vocantur, qui virgis²³ et securibus²⁴ homines puniunt. E virgis lictores fascem²⁵ faciebant; in medio fasce securis portabatur. Itaque Romulus cum²⁶ cetero habitu 35 tum²⁶ maxime²⁶ lictoribus duodecim sumptis augustiorem se fecit ratus²⁷ iura ita²⁸ sancta fore generi hominum agresti, si se ipse venerabilem insignibus imperii fecisset.

Sed cur Romulus duodecim lictores sumpsit? Cur hunc numerum? Fortasse Romulus numerum avium secutus est, quae angurio 40 regnum portenderant²⁹. Hoc alii putant; alii putant hunc numerum

1 Eingeweide, innere Teile. 2 cord- Herz. 3 iecinor- Leber. 4 Lunge. 5 zugegen. 6 zum Fest gehörig (d. h. Opfertier). 7 speisen. 8 vorstehn. 9 einzig. 10 fremd. 11 pario erwerben. 12 günstig gesinnt sein, sich interessieren für. 13 Begünstiger, Gönner. 14 richtig, ordentlich. 15 zustande bringen. 16 zusammen-machen. 17 außer. 18 verehren. 19 Abzeichen. 20 Haltung. 21 erhabener. 22 Lictoren. 23 virga Rute. 24 Beil. 25 Bündel. 26 cum—tum maxime sowohl — als auch besonders. 27 glaubend (von reor). 28 nur so, nur dann. 29 darbieten.

ab Etruscis ductum¹ esse. Non solum numerum sed etiam ipsos
lictiores. Lictores et scribae et praecones² et viatores³ vocantur
apparitores⁴. Ergo lictores sunt genus apparitorum. Hoc genus et
numerum multi putant ab Etruscis ductum esse. Nam Etrusci erant
5 finitimi⁵ Romanorum, et multa instituta Romana ab Etruscis ducta
sunt. Consules, praetores, aediles Romani utebantur sella curuli⁶.
Haec sella vocatur curulis, quia antea in curru posita erat. Haec
sella curulis ab Etruscis ducta est. Romani togam induebant. Toga
alba erat. Sed toga consulum, praetorum, aedilium curulium purpura
10 praetexta⁷ erat. Etiam toga praetexta ab Etruscis ducta est. Quia
haec omnia ab Etruscis sumpta sunt, multis hominibus placet etiam
hoc genus apparitorum et numerum ipsum ab Etruscis ductum esse.
Etiam Livium haud⁸ paenitet⁹ eorum sententiae esse Etrusci ita
habuerunt, quod duodecim populi erant. Ex his duodecim populis
15 communiter rex creabatur¹⁰. Creato rege¹¹ (abl. abs.) singuli¹² populi
singulos lictores dabant.

Interim urbs crescebat. Nam Romulus munitionibus alia atque
alia loca appetebat¹³. Romulus sperabat multitudinem hominum
maiores fore. Propterea Romulus in spem futurae multitudinis
20 semper nova loca muniebat. Nam prima moenia facile suffecerant¹⁴
ad id, quod hominum tum in urbe erat. Cum in spem magis fu-
turae multitudinis quam ad id, quod hominum tum erat, munirent,
urbs crescebat appetendo alia atque alia loca munitionibus. Sic urbs
magna facta est. Sed magnitudo urbis vana¹⁵ erat, quia non satis
25 hominum inerat. Tum Romulus asylum aperit¹⁶, quod iam antea
alii homines fecerant, qui urbem condiderant. In asylum omnes ho-
mines confugere¹⁷ possunt, liberi, servi, nocentes¹⁸, innocentes. Sic
urbem condentes (ii qui urbem condebant) obscuram atque humilem¹⁹
multitudinem conciebant²⁰; conciendo obscuram atque humilem multi-
30 tudinem urbs magna facta est; tum ementiebantur²¹ prolem²² sibi e
terra natam esse. Hoc, inquit Livius, vetus consilium condentium
urbes (eorum, qui urbes condunt) est. Hoc etiam Romulus fecit
adiiciendae multitudinis causa (ut multitudinem aduiceret²³). Locus,
quem Romulus asylum aperuit, temporibus Livii inter duos lucos²⁴
35 saeptus²⁵ descendentibus erat. Eo²⁶ ex finitimis²⁷ populis omnis
turba²⁸ avida²⁹ novarum rerum perfugit. Omnis turba eo perfugit
sine discrimine³⁰, liber an servus esset. Id primum erat ad coeptam³¹
magnitudinem roboris³². Mox³³ haud paenitebat³⁴ virium. Cum
iam virium haud paeniteret, Romulus deinde viribus³⁵ consilium parat.
40 Propterea Romulus centum senatores creavit. Cur centum? Sive
quia is numerus satis erat, sive quia soli³⁶ centum erant, qui

1 herleiten. 2 Herold. 3 Staatsboten. 4 niedere Beamte. 5 Nachbarn.
6 der furulische Stuhl. 7 vorgewebt, verbrämt, umrandet. 8 nicht. 9 es reut.
10 wählen. 11 abl. abs. 12 je ein. 13 erstreben. 14 sufficio genug sein. 15 leer,
eitel. 16 eröffnen. 17 Zuflucht nehmen. 18 schuldige. 19 niedrig. 20 zusammen-
holen. 21 erlügen. 22 Nachkommenschaft. 23 hinzufügen. 24 Hain. 25 ein-
gezäunt. 26 dahin. 27 benachbart. 28 Schar. 29 gierig nach. 30 Unterschied.
31 angefangen. 32 Stärke. 33 bald. 34 haud paenitet „es reut nicht“ = es ist
genug. 35 Datis „den Kräften“. 36 alleinige, einzige.

senatores creari possent. Senatores ab honore patres appellati sunt, nam senatores a populo honorabantur sicut patres a filiis honorantur. Progenies¹ senatorum patricii appellati sunt.

Iam multum valebant² Romani vel, ut ait Livius, res Romana valida erat. Omnes cives, qui in urbe habitant, vocantur civitas. 5 Civitas, cui eidem fines³ sunt, qui nostrae civitati sunt, vocatur civitas finitima. Unicuique civitati plures civitates finitimae sunt; Germaniae finitimae sunt Francogallia, Helvetia, Austria, Russia, aliae. Etiam Romanis complures⁴ civitates finitimae erant; sed civitas Romana quamlibet⁵ civitatem finitimam vincere poterat; civitas Romana cui- 10 libet finitimarum civitatum bello par⁶ erat; adeo⁷ res Romana iam erat valida. Sed quamdiu⁸ res Romana adeo valida erit? Quamdiu duratura est⁹ magnitudo Romanorum? Multi viri sunt Romae, sed mulieres¹⁰ ibi non sunt. Itaque Romanis liberi non sunt, Romanis spes prolis¹¹ non est. Cum multi Romani mortui erunt, civitas non 15 erit valida. Magnitudo civitatis durabit, quamdiu aetas¹² hominis durabit. Penuria¹³ mulierum magnitudo civitatis aetatem hominis duratura erat. Non licebat virgini ex alia civitate iuveni Romano nubere¹⁴. Nam inter diversas civitates conubium¹⁵ non erat. Magnitudo aetatem hominis duratura erat, quippe quibus¹⁶ nec domi spes 20 prolis nec cum finitimus conubia essent. Romulus patres de hac re consuluit¹⁷. Ex consilio patrum Romulus legatos¹⁸ circa vicinas¹⁹ gentes misit, qui dicerent: „Socii esse volumus; facitote conubium nobiscum. Omnes res ex infimo²⁰ nascuntur. Sic etiam urbes ex infimo nascuntur. Dein²¹ nonnullas urbes dii iuvant et sua (urbium) 25 virtus. Hae urbes, quas sua virtus ac dii iuvant, magnas opes sibi faciunt et magnum nomen sibi faciunt. Origini²² Romanae (hoc est: origini urbis Romae) et dii adfuerunt et virtus non deerit: Satis scimus origini Romanae deos adfuisse. Proinde²³ nolite gravari²⁴ homines²⁵ cum hominibus sanguinem et genus miscere.“ Haec 30 legati dixerunt, qui societatem conubiumque novo populo²⁶ peterent²⁷. Sed legatio nusquam²⁸ benigne²⁹ audita est. Nam civitates finitimae Romanos spernebant³⁰, quia Romulus asylum apernerat³¹ hominibus sceleratis³². Praeterea aliae civitates novam urbem magnam metuebant. „Hi homines moles³³ sunt; haec moles crescet; haec moles crescens 35 nobis et posteris³⁴ nostris periculosa erit. Metuimus tantam in medio crescentem molem nobis³⁵ ac posteris nostris“. Plerique³⁶ rogabant (saepe rogabant³⁷) legatos Romanos, ecquod³⁸ asylum feminis aperuissent. „Si feminis asylum aperietis, id demum³⁹ compar⁴⁰ conubium erit“. Sic legati a plerisque dimissi sunt⁴¹; dimissi sunt a 40

1 Nachkommenschaft. 2 stark sein. 3 Grenze. 4 mehrere. 5 welche es beliebt, jede beliebige. 6 gleich, gewachsen. 7 so sehr. 8 wie lange. 9 dauern. 10 Weib. 11 proles Nachkommenschaft. 12 Lebensalter. 13 Mangel. 14 Schleier nehmen für jemand, d. h. ihn heiraten. 15 Recht zur Verheirathung. 16 als welchen, da ihnen ja. 17 um Rat fragen. 18 Gesandte. 19 benachbart. 20 das unterste, niedrigste. 21 darauf. 22 Entstehung. 23 daher. 24 sich weigern. 25 als Menschen. 26 für das neue Volk. 27 erbitten, fordern. 28 nirgend. 29 gültig. 30 verachten. 31 aperio (stark i, u, t) eröffnen. 32 verbrecherisch. 33 Masse. 34 Nachkommen. 35 für uns. 36 die meisten. 37 fragen. 38 ob irgend ein. 39 erst. 40 ebenmäßig. 41 fortgeschiden.

plerisque rogitantibus, equod feminis quoque asylum aperuissent, id enim demum compar conubium fore. Sic civitates responderunt; nam simul¹ spernebant, simul metuebant sibi et posteris suis tantam in medio crescentem molem.

5 Romana pubes² id aegre³ passa est et haud dubie⁴ res ad vim spectare coepit, cui Romulus tempus et locum aptum⁵ dare voluit. Etiam Romulus responsa⁶ civitatum aegre passus est animo. Sed Romulus hanc aegritudinem animi dissimulavit⁷. „Ludos⁸“, inquit, „faciam; tum omnes civitates finitimae venient“. Itaque
10 ludos sollemnes⁹ ex industria¹⁰ parat Neptuno equestri; nam Neptunus non solum deus maris sed etiam deus equorum erat; saepe undae¹¹ cum equis comparantur. Hi ludi etiam postea celebrati¹² sunt. Romulus hos ludos „Consualia“ vocavit. Hoc nomine hi ludi etiam postea vocati sunt. Romani hoc spectaculum finitimis in-
15 dicunt¹³. Nam Romulus iusserat hoc spectaculum finitimis indici. Concelebrant¹² hunc ludum magno apparatu, quanto apparatu tum sciebant aut poterant.

Titi Livi

ab urbe condita liber primus.

Praefatio.

IV.

1 Sed debebatur, ut opinor, fati tantae origo urbis maximique
2 secundum deorum opes imperii principium. Vi compressa Vestalis cum geminum partum edidisset, seu ita rata, seu quia deus auctor culpaе honestior erat, Martem incertae stirpis patrem nuncupat.
3 Sed nec dii nec homines aut ipsam aut stirpem a crudelitate regia vindicant; sacerdos vineta in custodiam datur: pueros in profluentem aquam mitti iubet.

4 Forte quadam divinitus super ripas Tiberis effusus lenibus stagnis nec adiri usquam ad iusti cursum poterat amnis et posse
5 quamvis languida mergi aqua infantes spem ferentibus dabat. Ita, velut defuncti regis imperio, in proxima eluvie, ubi nunc ficus Ruminalis est — Romularem vocatam ferunt — pueros exponunt.
6 Vastae tum in his locis solitudines erant. Tenet fama, cum fluitantem alveum, quo expositi erant pueri, tenuis in sicco aqua destituisset, lupam sitientem ex montibus, qui circa sunt, ad puerilem vagitum cursum flexisse; eam summissas infantibus adeo mitem praeuisse mammas, ut lingua lambentem pueros magister regii pe-

1 zugleich. 2 junge Mannschaft. 3 mit Mühe, mit Unwillen. 4 dubius, zweifelhaft, e Adverb. 5 passend. 6 um Antwort. 7 wegheucheln, verhehlen. 8 Spiele. 9 feierlich. 10 mit Fleiß, mit Absicht. 11 Welle. 12 feiern. 13 an-
kündigen.

coris invenerit — Faustulo fuisse nomen ferunt; ab eo ad stabula 7
Larentiae uxori educandos datos. Sunt qui Larentiam lupam inter
pastores vocatam putent; inde locum fabulae ac miraculo datum.

Ita geniti itaque educati, cum primum adolevit aetas, nec in 8
stabulis nec ad pecora segnes, venando peragrarare saltus. Hinc ro- 9
bore corporibus animisque sumpto, iam non feras tantum subsistere,
sed in latrones praeda onustos impetus facere pastoribusque rapta
dividere et cum his crescente in dies grege iuvenum seria ac iocos
celebrare.

V.

Iam tum in Palatio monte Lupercal hoc fuisse ludicrum ferunt 1
et a Pallanteo, urbe Arcadica, Pallantium, dein Palatium montem
appellatum. Ibi Euandrum, qui ex eo genere Arcadum multis ante 2
tempestatibus tenuerit loca, sollemne adlatum ex Arcadia instituisse,
ut nudi iuvenes Lycaeum Pana venerantes per lusum atque lasci-
viam currerent, quem Romani deinde vocaverunt Inuum. Huic 3
deditis ludicro, cum sollemne notum esset, insidiosos ob iram praedae
amissae latrones, cum Romulus vi se defendisset, Remum cepisse,
captum regi Amulio tradidisse ultro accusantes.

Crimini maxime dabant in Numitoris agros ab iis impetus 4
fieri; inde eos collecta iuvenum manu hostilem in modum praedas
agere. Sic Numitori ad supplicium Remus deditur.

Iam inde ab initio Faustulo spes fuerat regiam stirpem apud 5
se educare; nam et expositos regis infantes sciebat et tempus, quo
ipse eos sustulisset, ad id ipsum congruere; sed rem in maturam
nisi aut per occasionem aut per necessitatem aperire noluerat. Ne-
cessitas prior venit; ita metu subactus Romulo rem aperit. Forte 6
et Numitori, cum in custodia Remum haberet audissetque geminos
esse fratres, comparando et aetatem eorum et ipsam minime servi-
lem indolem tetigerat animum memoria nepotum; sciscitandoque
eodem pervenit, ut haud procul esset, quin Remum agnosceret. Ita
undique regi dolus nequitur. Romulus non cum globo iuvenum — 7
nec enim erat ad vim apertam par —, sed aliis alio itinere iussis
certo tempore ad regiam venire pastoribus ad regem impetum facit,
et a domo Numitoris alia comparata manu adiuvat Remus. Ita
regem obtruncant.

VI.

Numitor inter primum tumultum hostes invasisse urbem atque 1
adortos regiam dictitans, cum pubem Albanam in arcem praesidio
armisque obtinendam avocasset, postquam iuvenes perpetrata caede

pergere ad se gratulantes vidit, extemplo advocato concilio scelera in se fratris, originem nepotum, ut geniti ut educati, ut cogniti essent, 2 caedem deinceps tyranni seque eius auctorem ostendit. Iuvenes per mediam contionem agmine ingressi cum avum regem salutassent, secuta ex omni multitudine consentiens vox ratum nomen imperiumque regi efficit.

3 Ita Numitori Albana re permissa Romulum Remumque cupido cepit in iis locis, ubi expositi ubique educati erant, urbis condendae. Et supererat multitudo Albanorum Latinorumque; ad id pastores quoque accesserant, qui omnes facile spem facerent parvam Albam, 4 parvum Lavinium prae ea urbe, quae conderetur, fore. Interventit deinde his cogitationibus avitum malum, regni cupido, atque inde foedum certamen, coortum a satis miti principio. Quoniam gemini essent nec aetatis verecundia discrimen facere posset, ut dii, quorum tutelae ea loca essent, auguriis legerent, qui nomen novae urbi daret, qui conditam imperio regeret, Palatium Romulus, Remus Aventinum ad inaugurandum templa capiunt.

VII.

1 Priori Remo augurium venisse fertur, sex vultures, iamque nuntiato augurio cum duplex numerus Romulo se ostendisset, utrumque regem sua multitudo consalutaverat: tempore illi praecepto, at 2 hi numero avium regnum trahebant. Inde cum altercatione congressi certamine irarum ad caedem vertuntur; ibi in turba ictus Remus cecidit. Vulgatiores fama est ludibrio fratris Remum novos transiluisse muros; inde ab irato Romulo, cum verbis quoque increpitans adiecisset: „sic deinde, quicumque alius transiliet moenia 3 mea“, interfectum. Ita solus potitus imperio Romulus; condita urbs conditoris nomine appellata.

4 Palatium primum, in quo ipse erat educatus, muniit. Sacra diis aliis Albano ritu, Graeco Herculi, ut ab Euandro instituta erant, facit. Herculem in ea loca Geryone interempto boves mira specie abegisse memorant ac prope Tiberim fluvium, qua prae se armentum agens nando traiecerat, loco herbido, ut quiete et pabulo laeto 5 reficeret boves, et ipsum fessum via procubuisse. Ibi cum eum cibo vinoque gravatum sopor oppressisset, pastor accola eius loci, nomine Cacus, ferox viribus, captus pulchritudine bouum cum avertere eam praedam vellet, quia, si agendo armentum in speluncam compulisset, ipsa vestigia quaerentem dominum eo deductura erant, aversos boves, 6 eximium quemque pulchritudine, caudis in speluncam traxit. Hercules ad primam auroram somno excitus cum gregem perlustrasset

oculis et partem abesse numero sensisset, pergīt ad proximam speluncam, si forte eo vestigia ferrent. Quae ubi omnia foras versa vidit nec in partem aliam ferre, confusus atque incertus animi ex loco infesto agere porro armentum ocepit. Inde cum actae boves 7 quaedam ad desiderium, ut fit, relictarum mugissent, reddita inclusarum ex spelunca boum vox Herculem convertit. Quem cum vadentem ad speluncam Cacus vi prohibere conatus esset, ictus clava fidem pastorum nequiquam invocans morte occubuit.

Euander tum ea profugus ex Peloponneso auctoritate magis 8 quam imperio regebat loca, venerabilis vir miraculo litterarum, rei novae inter rudes artium homines, venerabilior divinitate credita Carmentae matris, quam fatiloquam ante Sibyllae in Italiam adventum miratae eae gentes fuerant. Is tum Euander concursu pastorum 9 trepidantium circa advenam manifestae reum caedis excitus postquam facinus facinorisque causam audivit, habitum formamque viri aliquantum ampliorem augustioremque humana intuens rogitat, qui vir esset.

Ubi nomen patremque ac patriam accepit, „Jove nate, Hercules, salve, inquit; te mihi mater, veridica interpretes deum, aucturum caelestium numerum cecinit tibi que aram hic dicatum iri, quam opulentissima olim in terris gens maximam vocet tuoque ritu colat“. Dextra Hercules data accipere se omen inpleturumque fata ara condita ac dicata ait. Ibi tum primum bove eximia capta de grege 12 sacrum Herculi adhibitis ad ministerium dapemque Potitiis ac Pinariis, quae tum familiae maxime inclitae ea loca incolebant, factum. Forte ita evenit, ut Potitii ad tempus praesto essent iisque exta 13 apponerentur, Pinarii extis adesis ad ceteram venirent dapem. Inde institutum mansit, donec Pinarium genus fuit, ne extis sollemnium vescerentur. Potitii ab Euandro edocti antistites saevi eius per multas 14 aetates fuerunt, donec tradito servis publicis sollemni familiae ministerio genus omne Potitiorum interiit. Haec tum sacra Romulus 15 una ex omnibus peregrina suscepit, iam tum immortalitatis virtute partae, ad quam eum sua fata ducebant, fautor.

VIII.

Rebus divinis rite perpetratis vocataque ad concilium multitudine, 1 quae coalescere in populi unius corpus nulla re praeterquam legibus poterat, iura dedit; quae ita sancta generi hominum agresti 2 fore ratus, si se ipse venerabilem insignibus imperii fecisset, cum cetero habitu se augustiorem, tum maxime lictoribus duodecim sumptis fecit. Alii ab numero avium, quae augurio regnum porten- 3

derant, eum secutum numerum putant; me haud paenitet eorum sententiae esse, quibus et apparitores et hoc genus ab Etruscis finitimis, unde sella curulis, unde toga praetexta sumpta est, et numerum quoque ipsum ductum placet et ita habuisse Etruscos, quod ex duodecim populis communiter creato rege singulos singuli populi lictores dederint.

4 Crescebat interim urbs munitionibus alia atque alia adpetendo
loca, cum in spem magis futurae multitudinis quam ad id, quod
5 tum hominum erat, munirent. Deinde, ne vana urbis magnitudo
esset, adiciendae multitudinis causa vetere consilio condentium urbes,
qui obscuram atque humilem conciendo ad se multitudinem natam e
terra sibi prolem ementiebantur. Locum, qui nunc saeptus descen-
6 dentibus inter duos lucos est, asylum aperit. Eo ex finitimis po-
pulis turba omnis sine discrimine, liber an servus esset, avida no-
varum rerum perfugit, idque primum ad coeptam magnitudinem
roboris fuit. Cum iam virium haud paeniteret, consilium deinde
7 viribus parat. Centum erant senatores, sive quia is numerus satis
erat, sive quia soli centum erant, qui creari patres possent. Patres
certe ab honore, patriciique progenies eorum appellati.

IX.

1 Iam res Romana adeo erat valida, ut cuilibet finitimarum ci-
vitatum bello par esset; sed penuria mulierum hominis aetatem dura-
tura magnitudo erat, quippe quibus nec domi spes prolis nec cum
2 finitimis conubia essent. Tum ex consilio patrum Romulus legatos
circa vicinas gentes misit, qui societatem conubiumque novo populo
3 peterent: urbes quoque, ut cetera, ex infimo nasci; dein, quas sua
virtus ac dii iuvent, magnas opes sibi magnumque nomen facere;
4 satis scire origini Romanae et deos adfuisse et non defuturam vir-
tutem; proinde ne gravarentur homines cum hominibus sanguinem
5 ac genus miscere. Nusquam benigne legatio audita est; adeo simul
spernebant, simul tantam in medio crescentem molem sibi ac posteris
suis metuebant. A plerisque rogitantibus dimissi, ecquod feminis quo-
que asylum aperuissent; id enim demum compar conubium fore.


6 Aegre id Romana pubes passa, et haud dubie ad vim spectare
res coepit. Cui tempus locumque aptum ut daret Romulus aegritu-
dinem animi dissimulans ludos ex industria parat Neptuno equestri
7 sollemnes; Consualia vocat. Indici deinde finitimis spectaculum
iubet, quantoque apparatu tum sciebant aut poterant, concelebrant,
ut rem claram expectatamque facerent.

Berthold Otto's Lateinbriefe, 25 Briefe zur Einführung in den Bau der lateinischen Sprache und in die römische Literatur (Horaz, Ovid, Virgil, Livius, Cäsar), Berlin-Vichterfelde, Verlag des Hauslehrers, sollen das, was beim Erlernen der lateinischen Sprache an formaler Bildung zu gewinnen ist, solchen übermitteln, die noch keine fremde Sprache schulmäßig erlernt haben. Es ist darin also keiner der für Erlernung fremder Sprachen gewohnheitsmäßig in Betracht kommenden Begriffe vorausgesetzt, vielmehr werden alle in anregender Weise entwickelt. Die Einführung in die Literatur erfolgt mit überraschender Leichtigkeit. Die hier befolgte Methode hat namentlich in Volksschullehrerkreisen, aber auch sonst, begeisterte Anhänger gefunden. — Jeder Brief kostet 50 Pf., das ganze Werk 12.50 Mk. Arbeitszeit zwei Jahre.

Berthold Otto's Lateinischer Selbstunterricht, Berlin-Vichterfelde, A. G. Th. Scheffer, 264 S. 4^o, Preis 6 Mk., geb. 7.20 Mk., geben denselben Stoff für solche, die schon eine fremde Sprache schulmäßig erlernt haben, also die dabei üblichen grammatikalischen Begriffe schon beherrschen. Sie eignen sich besonders für Lehrerinnen und für ehemalige Oberrealschüler und führen in dieselben Schriftsteller ein wie die Lateinbriefe; den Abschluß bildet jedoch eine vollständige (lateinische) Vorbereitung auf Horaz' *ars poetica*. Der Stoff läßt sich in weniger als zwei Jahren, bei viel freier Zeit in einem Jahre bewältigen.

Bei beiden Werken handelt es sich nur um grammatikalisches Verständnis und Einführung in die Lektüre. Zur Bestehung eines Examens, bei dem die Kunstlei des Übersetzens in's Lateinische verlangt wird, ist noch ein kurzer Nachunterricht nötig, den jeder Philolog, der die Lateinbriefe kennt, leicht erteilen kann.





Druck von
Otto Nuschke in Leipzig
Nostitzstrasse 81